

ADOLAT

O'zbekiston
«Adolat» sotsial-
demokratik partiyasi

IJTIMOIIY-SIYOSIIY GAZETA

adolat_gazeta@message.uz

www.adolat.uz

№ 16 (927)

2013-yil, 19-aprel, juma



ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ КАРИМОВНИНГ «ЗАМОНАВИЙ УЙ-ЖОЙ ҚУРИЛИШИ – ҚИШЛОҚ ЖОЙЛАРИНИ КОМПЛЕКС РИВОЖЛАНТИРИШ ВА ҚИЁФАСИНИ ЎЗГАРТИРИШ ҲАМДА АҲОЛИ ҲАЁТИНИНГ СИФАТИНИ ЯХШИЛАШ ОМИЛИ» МАВЗУСИДАГИ ХАЛҚАРО КОНФЕРЕНЦИЯНИНГ ОЧИЛИШ МАРОСИМИДАГИ НУТҚИ

Хурматли конференция иштирокчилари, хонимлар ва жаноблар!

Сиз, азиз меҳмонларимиз, Бирлашган Миллатлар Ташкилоти, Халқаро валюта жамғармаси, Жаҳон банки, Осиё тараққиёт банки, Ислом тараққиёт банки, АСЕАН, ЮНЕСКО каби нуфузли халқаро ташкилотлар, молия институтлари ҳамда бошқа тузилмалар вакиллари, уй-жой қурилиши соҳасидаги йирик компаниялар раҳбарлари ва етакчи мутахассислари — бугунги конференциянинг барча қатнашчиларини қутлаш, ушбу форумда иштирок этаётганингиз учун ўзимнинг чуқур ҳурматим ва самимий миннатдорлигимни изҳор этиш менга катта мамнуният бағишлайди.

Уй-жой қурилиши соҳаси ўткир ижтимоий муаммоларни ҳал этиш учун улкан аҳамиятга эга экани, қурилиш билан боғлиқ кўплаб тармоқлар ва бутун мамлакат иқтисодиётининг мутаносиб ривожланиши ҳамда барқарор ўсиш суръатларини таъминлайдиган энг муҳим омил эканини ҳисобга оладиган бўлсак, бугунги конференция учун танланган қишлоқда уй-жой қурилишининг роли ҳақидаги мавзунинг долзарблиги тўғрисида гапириб ўтиришнинг ҳожати бўлмас керак.

Эксперт марказларининг маълумотларига кўра, иқтисодий ривожланган давлатларда инвестициялар

таркибида умумий сармоялар ҳажмининг 20 фоизидан 40 фоизигача бўлган улуши айнан уй-жой қурилиши соҳасига тўғри келаётгани, албатта, бежиз эмас.

Бугунги кунда уй-жой қурилиши ва иқтисодиётнинг мазкур соҳа билан боғлиқ тармоқларини ривожлантириш молия тизимини шакллантириш ва барқарор ривожлантиришнинг энг муҳим бўғинларидан бири ҳамда банклар активлари ва ишончли ресурс базасининг мустаҳкам манбаи бўлиб қолмоқда.

Бу ҳолат жаҳон молиявий-иқтисодий инқирози ҳамон давом этаётган ҳозирги шароитда алоҳида аҳамият касб этмоқда.

Кредит маблағлари билан етарлича таъминланаётганига қарамастан, бу маблағлар якуний истеъмолчи, яъни иқтисодиётнинг реал секторига етиб бормаётгани глобал молиявий-иқтисодий инқироздан чиқишда жиддий тўсиқлардан бири экани сир эмас. Ҳолбуки, асосий захира валюталарини чиқарадиган эмитент мамлакатларда фоиз ставкалари даражаси ниҳоятда паст. Айрим ҳолларда бу ставкалар ноль қийматигача тушиб кетаётганига эса ишониб қийин.



Оқсаройда қабул

Ўзбекистон Республикаси Президенти Ислом Каримов 18 апрель куни Оқсаройда “Замонавий уй-жой қурилиши — қишлоқ жойларини комплекс ривожлантириш ва қиёфасини ўзгартириш ҳамда аҳоли ҳаётининг сифатини яхшилаш омили” мавзусидаги халқаро конференцияда иштирок этиш учун мамлакатимизга келган Осиё тараққиёт банки вице-президенти Шио Жаони қабул қилди.

Давлатимиз раҳбари Ўзбекистонда ОТБга ривожланиш йўлидаги муҳим стратегик ҳамкор сифатида қаралишини таъкидлади.

Узаро ҳамкорлик ўрнатилганидан буён, 2013 йил 1 апрель ҳолатига кўра, ОТБ Ўзбекистонга қиймати 13,5 миллиард АҚШ долларидан ортиқ лойиҳалар учун 48 заём пакети ажратишни маъқуллаган. Шунинг қарийб 4,5 миллиард долларлик қисми ОТБ томонидан молиялаштирилди. Амалдаги кредит портфели ҳажми бўйича ОТБ халқаро институтлар орасида етакчи ўрин эгаллайди. Хусусан, 2012 йилда қиймати 876 миллион АҚШ долларига тенг лойиҳаларни молиялаштириш маъқулланди. Жорий йилда эса 837 миллион долларлик лойиҳаларни молиялаштиришни маъқуллаш кўзда тутилмоқда.

Ҳамкорликдаги лойиҳалар транспорт инфраструктуралари, қишлоқ хўжалиги, умумий ва ўрта-маҳсус, касб-ҳунар таълими, коммунал хўжалик, кичик бизнес ва хусусий тадбиркорлик, уй-жой қурилиши, шунингдек, энергия ишлаб чиқариш қувватларини модернизация қилиш каби йўналишларни қамраб олади.

ОТБ қишлоқ жойларда уй-жой қурилишини ривожлантириш бўйича ишлаб чиқилган комплекс дастурни амалга оширишда катта ёрдам кўрсатмоқда ва шу мақсад учун 500 миллион доллар маблағ ажратган. Ушбу дастурнинг юксак натижалари — қишлоқ

худудларида 23 мингдан зиёд замонавий, шинам ва қулай уйлар барпо этилди, 70 мингдан ортиқ иш ўрни яратилди, қарийб 700 ижтимоий инфраструктура объекти қурилди.

Шио Жао қишлоқ жойларда уй-жой қуриш дастурининг ноёблигини қайд этар экан, муқобили бўлмаган ушбу модель ҳар томонлама чуқур ўрганишга муносиб эканини таъкидлади.

Ўзбекистон билан ОТБ ўртасидаги ҳамкорликнинг нафақат салмоғи ошмоқда, балки йўналишлари ҳам кенгаймоқда. Буни сўнгги йилларда қайта тикланувчи энергия манбаларининг улкан имкониятларидан фойдаланиш соҳасида ҳамкорлик йўлга қўйилганида ҳам кўриш мумкин. Юқори технологияли лойиҳа — Самарқанд вилоятидаги минтақадаги Биринчи, қуввати 100 МВтни ташкил қилувчи қуёш фотоэлектрик станциясини барпо этиш лойиҳаси алоҳида эътиборга sazovorдир. Бугунги кунда ОТБ томонидан ушбу лойиҳанинг техник-иқтисодий асослари ишлаб чиқилмоқда.

Оқсаройдаги учрашувда томонлар ўзаро ҳамкорликни янада ривожлантиришга доир масалалар юзасидан фикр алмашдилар.

Шио Жао самимий меҳмондўстлик ва ғоят муҳим аҳамиятга эга конференция ташкил этилгани учун давлатимиз раҳбарига чуқур миннатдорлик изҳор этди.

ЎЗА

«Обод кўнги — обод юрт» танловига

Дунё таниган Андижон



Қорадарё бўйи азалдан ўтроқ ҳаёт учун ғоят қулай манзил ҳисобланган. Боз устига, Буюк ипак йўлида жойлашган мазкур масканда деҳқончилик маданияти қадим замонлардаёқ ривожлана бошлаган. Пахта ва ипак матолари, сопол ҳамда бошқа ҳунармандчилик буюмларининг довуғи Византиядан Хитойгача маълум ва машҳур бўлган. Айниқса, милoddан аввалги II аср хитой салномаларидаги қайдлар, шунингдек, Марказий Осиёдаги энг қадимий манзилгоҳлардан бири — ҳозирги Жалолқудуқ тумани ҳудудида жойлашган Давварзинтепа ёдгорлиги ва, шунингдек, Хўжаобод туманидаги Кўкракли ғор деворларига ишланган муз даврига оид расмлар Андижон заминида маданий ҳаёт нишонлари кўп минг йиллар аввал вужудга келганлигидан дарак беради.



Ҳуқуқий эксперимент

Ҳокимият фаолиятининг очиқлиги

фуқароларнинг давлат бошқаруви идораларига нисбатан ишончини мустаҳкамлашга хизмат қилади

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси ижтимоий-сиёсий, ҳуқуқий ва иқтисодий ислохотларни амалга оширишда ўзига хос муҳим дастуриламал бўлиб хизмат қилмоқда.



Депутат аралашувидан сўнг

Электорат манфаати йўлида

— Аҳоли манфаатлари йўлидаги бундай эзгу амалий ишлар барча навоийликларга, шунинг билан бир қаторда, қишлоқ-дошларимизга ҳам манзур бўлмоқда, — дейди Кармана туманидаги Нарпай қишлоғи Пахтаобод маҳалласида яшовчи Эрмамат Эргашев. — Аҳолини кўпдан буён ташвишлантириб келаётган муаммони ҳал этишда ёрдам кўрсатишни сўраб, партия вилоят Кенгашига қилган мурожаатимиз қисқа муддатда ижобий ҳал этилди. Навоий шаҳридан қишлоғимизгача бўлган қарийб ўн чақирим масофада доимий автобус қатнови йўлга қўйилди. Қишлоқ йўлини таъмирлаш ҳам халқ депутатлари Навоий вилоят Кенгашидаги партия депутатлик гуруҳи назоратига олиниб, жадал амалга оширилмоқда.



Хабар

Фарғонада «Адолат»чилар голиб бўлди

Республикаимизнинг энг сўлим тўшаларидан бири — Фарғонадан хушхабар олдик. Халқ депутатлари вилоят ҳамда шаҳар Кенгашининг бўшаб қолган ўринларига ўтказилган сайлов якунларига кўра, «Адолат» СДП номзодлари голибликни қўлга киритишди!

Жорий йилнинг 14 апрелида 4-«Ал-Фарғоний» сайлов округи бўйича халқ депутатлари Фарғона вилоят Кенгашининг бўшаб қолган ўринига ўтказилган сайлов якунларига асосан, Ўзбекистон «Адолат» СДП вилоят Кенгаши томонидан кўрсатилган номзод Наримон Шодиев 97,26 фоиз овоз билан депутат этиб сайланди.

13-«Борбон» сайлов округи бўйича халқ депутатлари Қувасой шаҳар Кенгашининг бўшаб қолган ўрнига ўтказилган сайлов якунларига асосан эса «Адолат»чилар томонидан кўрсатилган номзод Зайнабхон Исмоилова 74 фоиз овоз билан ғалаба қозонди.

Эндиликда халқ депутатлари Фарғона вилояти Кенгашида «Адолат» СДПнинг олти вакили, шаҳар ва туман кенгашларида эса 45 нафар вакили фаолият юритадиган бўлди. Биз ҳалол сайловда голиб чиққан вакилларимизни чин дилдан қутлаймиз. Ишончимиз комилки, янги сайланган депутатларимиз ҳам «Адолат» СДП ғояларини ҳаётга татбиқ этишда, сайловчилар ишончини қозониш йўлида ҳормай-толмай меҳнат қилаверадилар.

